

关于青春的古诗词

1.
劝君莫惜金缕衣，劝君惜取少年时。花开堪折直须折，莫待无花空折枝。
——杜秋娘《金缕衣》

2.
对青山强整乌纱。归雁横秋，倦客思家。翠袖殷勤，金杯错落，玉手琵琶。人老去西风白发，蝶愁来明日黄花。回首天涯，一抹斜阳，数点寒鸦。
——张可久《折桂令·九日》

3.
剑外忽传收蓟北，初闻涕泪满衣裳。却看妻子愁何在，漫卷诗书喜欲狂。白日放歌须纵酒，青春作伴好还乡。即从巴峡穿巫峡，便下襄阳向洛阳。
——杜甫《闻官军收河南河北》

4.
青春能几何，青春能几何。苍髯绀发看成皤。亦有红颜嫩於花，东风驰道属谁家。可道光阴流电转，草上霜飞峭如翦。心如不知恍重见，心语不通惟见面。重见面，愁转多。归来银烛炯长夜，叹息青春能几何。
——赵孟坚《青春能几何》

5.
楼外垂杨千万缕，欲系青春，少住春还去。犹自风前飘柳絮，随春且看归何处？绿满山川闻杜宇，便作无情，莫也愁人苦。把酒送春春不语，黄昏却下潇潇雨。
——朱淑真《蝶恋花·送春》

6.欲买桂花同载酒，终不是、少年游。——刘过《唐多令》

7.

冷冷水向桥东去。漠漠云归溪上住。疏风淡月有来时，流水行云无觅处。佳人独立相思苦。薄袖欺寒脩竹暮。白头空负雪边春，着意问春春不语。——刘镇《玉楼春·东山探梅》

8.青春几何时，黄鸟鸣不歇。——李白《江南春怀》

9.
吟怀未许老重阳，霜雪无端入鬓长。——序灯《九日吴山宴集值雨次韵》

10.
高阁客竟去，小园花乱飞。参差连曲陌，迢递送斜晖。肠断未忍扫，眼穿仍欲归。芳心向春尽，所得是沾衣。——李商隐《落花》

11.欲系青春，少住春还去。——朱淑真《蝶恋花》

12.到家应是，童稚牵衣，笑我华颠。——吴激《诉衷情》

13.青春须早为，岂能长少年。——孟郊《劝学》

14.
大江东去，浪淘尽，千古风流人物。故垒西边，人道是，三国周郎赤壁。乱石穿空，惊涛拍岸，卷起千堆雪。江山如画，一时多少豪杰。遥想公瑾当年，小乔初嫁了，雄姿英发。羽扇纶巾，谈笑间，檣櫓灰飞烟灭。故国神游，多情应笑我，早生华发。人生如梦，一尊还酹江月。——苏轼《念奴娇·赤壁怀古》

15.
高咏楚词酬午日，天涯节序匆匆。榴花不似舞裙红。无人知此意，歌罢满帘风。万事一身伤老矣，戎葵凝笑墙东。酒杯深浅去年同。试浇桥下水，今夕到湘中。——陈与义《临江仙·高咏楚词酬午日》

16.
神龟虽寿，犹有竟时。腾蛇乘雾，终为土灰。老骥伏枥，志在千里；烈

士暮年，壮心不已。盈缩之期，不但在天；养怡之福，可得永年。幸甚至哉，歌以咏志。——曹操《龟虽寿》

17.

窗竹影摇书案上，野泉声入砚池中。少年辛苦终身事，莫向光阴惰寸功。——杜荀鹤《题弟侄书堂》

18.

春未老，风细柳斜斜。试上超然台上看，半壕春水一城花。烟雨暗千家。寒食后，酒醒却咨嗟。休对故人思故国，且将新火试新茶。诗酒趁年华。——苏轼《望江南·超然台作》

19.盛年不重来，一日难再晨。——陶渊明《杂诗》

20.

梦里青春可得追？欲将诗句绊余晖。酒阑病客惟思睡，蜜熟黄蜂亦懒飞。芍药樱桃俱扫地，鬓丝禅榻两忘机。凭君借取法界观，一洗人间万事非。——苏轼《送春》

21.

朝闻游子唱离歌，昨夜微霜初渡河。鸿雁不堪愁里听，云山况是客中过。关城树色催寒近，御苑砧声向晚多。莫见长安行乐处，空令岁月易蹉跎。——李颀《送魏万之京》

22.人老去西风白发，蝶恋花明日黄花。——张可久《折桂令》

23.狎兴生疏，酒徒萧索，不似少年时。——柳永《少年游》

24.

少年易老学难成，一寸光阴不可轻。未觉池塘春草梦，阶前梧叶已秋声。——朱熹《劝学诗/偶成》

25.

蹴罢秋千，起来慵整纤纤手。露浓花瘦，薄汗轻衣透。见客入来，袜划

金钗溜。和羞走，倚门回首，却把青梅嗅。——李清照《点绛唇》

26.

渭城朝雨浥轻尘，客舍青青柳色新。劝君更尽一杯酒，西出阳关无故人。
。——王维《送元二使安西》

27.三千丈清愁鬓发，五十年春梦繁华。——乔吉《折桂令·客窗清明》

28.

泻水置平地，各自东西南北流。人生亦有命，安能行叹复坐愁？酌酒以自宽，举杯断绝歌路难。心非木石岂无感？吞声踯躅不敢言。——鲍照《拟行路难》

29.白头空负雪边春，着意问春春不语。——刘镇《玉楼春》

30.江南几度梅花发，人在天涯鬓已斑。——刘著《鹧鸪天》

31.

弃我去者，昨日之日不可留；乱我心者，今日之日多烦忧。长风万里送秋雁，对此可以酣高楼。蓬莱文章建安骨，中间小谢又清发。俱怀逸兴壮思飞，欲上青天览明月。抽刀断水水更流，举杯消愁愁更愁。人生在世不称意，明朝散发弄扁舟。——李白《宣州谢朓楼饯别校书叔云》

32.

一尺深红蒙曲尘，天生旧物不如新。合欢桃核终堪恨，里许元来别有人。井底点灯深烛伊，共郎长行莫围棋。玲珑骰子安红豆，入骨相思知不知？——温庭筠《南歌子词二首·新添声杨柳枝词》

33.

新丰美酒斗十千，咸阳游侠多少年。相逢意气为君饮，系马高楼垂柳边。
。——王维《少年行四首·其一》

34.

骑马踏红尘，长安重到，人面依前似花好。旧欢才展，又被新愁分了。

未成云雨梦，巫山晓。千里断肠，关山古道，回首高城似天杳。满怀离恨，付与落花啼鸟。故人何处也？青春老。——赵企《感皇恩》

35.

葡萄美酒夜光杯，欲饮琵琶马上催。醉卧沙场君莫笑，古来征战几人回？——王翰《凉州词》

36.

弯弯月出挂城头，城头月出照凉州。凉州七里十万家，胡人半解弹琵琶。琵琶一曲肠堪断，风萧萧兮夜漫漫。河西幕中多故人，故人别来三五春。花门楼前见秋草，岂能贫贱相看老。一生大笑能几回，斗酒相逢须醉倒。——岑参《凉州馆中与诸判官夜集》

37.却将万字平戎策，换得东家种树书。——辛弃疾《鹧鸪天》

38.欲系青春，少住春还去。——朱淑真《蝶恋花送春》

39.

蓬头稚子学垂纶，侧坐莓苔草映身。路人借问遥招手，怕得鱼惊不应人。——胡令能《小儿垂钓》

40.

泪湿孤鸾晓镜昏，近来方解惜青春。杏花杨柳年年好，不忍回看旧写真。——郑谷《为人题》

41.

少年骑马入咸阳，鹞似身轻蝶似狂，蹴鞠场边万人看，秋千旗下一春忙。风光流转浑如昨，志气低摧只自伤，日永东斋淡无事，闭门扫地独焚香。——陆游《晚春感事》

42.

晚日寒鸦一片愁。柳塘新绿却温柔。若教眼底无离恨，不信人间有白头。肠已断，泪难收。相思重上小红楼。情知已被山遮断，频倚阑干不自由。——辛弃疾《鹧鸪天·代人赋》

43.盛年不重来，一日难再晨。——陶渊明《杂诗·人生无根蒂》

44.

神龟虽寿，犹有竟时。腾蛇乘雾，终为土灰。老骥伏枥，志在千里。烈士暮年，壮心不已。盈缩之期，不但在天。养怡之福，可得永年。幸甚至哉，歌以咏志。——曹操《龟虽寿》

45.正单衣试酒，恨客里、光阴虚掷。——周邦彦《六丑》

46.

游蕲水清泉寺，寺临兰溪，溪水西流。山下兰芽短浸溪，松间沙路净无泥，潇潇暮雨子规啼。谁道人生无再少？门前流水尚能西！休将白发唱黄鸡。——苏轼《浣溪沙》

47.

新丰美酒斗十千，咸阳游侠多少年。相逢意气为君饮，系马高楼垂柳边。——王维《少年行》

48.

粉堕百花洲，香残燕子楼。一团团、逐队成球。飘泊亦如人命薄，空缱绻，说风流。草木也知愁，韶华竟白头。叹今生、谁舍谁收！嫁与东风春不管，凭尔去，忍淹留！——曹雪芹《唐多令·柳絮》

49.

锁离愁、连绵无际，来时陌上初熏。绣帟人念远，暗垂珠露，泣送征轮。长行长在眼，更重重、远水孤云。但望极楼高，尽日目断王孙。销魂。池塘别后，曾行处、绿妒轻裙。恁时携素手，乱花飞絮里，缓步香茵。朱颜空自改，向年年、芳意长新。遍绿野，喜游醉眼，莫负青春。——韩缜《凤箫吟》

50.

人生无根蒂，飘如陌上尘。分散逐风转，此已非常身。落地为兄弟，何必骨肉亲！得欢当作乐，斗酒聚比邻。盛年不重来，一日难再晨。及时当勉励，岁月不待人。——陶渊明《杂诗》

51.

柳暗花明春事深。小阑红芍药，已抽簪。雨馀风软碎鸣禽。迟迟日，犹带一分阴。往事莫沉吟。身间时序好，且登临。旧游无处不堪寻。无寻处，惟有少年心。——章良能《小重山·柳暗花明春事深》

52.

枝上花，花下人，可怜颜色俱青春。昨日看花花灼灼，今朝看花花欲落。不如尽此花下欢，莫待春风总吹却。莺歌蝶舞韶光长，红炉煮茗松花香。妆成罢吟恣游后，独把芳枝归洞房。——鲍君徽《惜花吟》

53.幽兰旋老，杜若还生，水乡尚寄旅。——吴文英《莺啼序》

54.明朝万一西风动，争向朱颜不耐秋。——晏几道《鹧鸪天》

55.

绿杨芳草长亭路。年少抛人容易去。楼头残梦五更钟，花底离情三月雨。无情不似多情苦。一寸还成千万缕。天涯地角有穷时，只有相思无尽处。——晏殊《玉楼春·春恨》

56.

青春都尉最风流，二十功成便拜侯。金距斗鸡过上苑，玉鞭骑马出长楸。熏香荀令偏怜少，傅粉何郎不解愁。日暮吹箫杨柳陌，路人遥指凤凰楼。方塘似镜草芊芊，初月如钩未上弦。新开金埒看调马，旧赐铜山许铸钱。杨柳入楼吹玉笛，芙蓉出水妒花钿。今朝都尉如相顾，原脱长裾学少年。——李端《赠郭驸马》

57.

长安古道马迟迟。高柳乱蝉栖。夕阳岛外，秋风原上，目断四天垂。归云一去无踪迹，何处是前期。狎兴生疏，酒徒萧索，不似去年时。——柳永《少年游·长安古道马迟迟》

58.酒债寻常行处有，人生七十古来稀。——杜甫《曲江二首》

59.及时当勉励，岁月不待人。——陶渊明《杂诗》

60.草木也知愁，韶华竟白头。——曹雪芹《唐多令》

61.酒债寻常行处有，人生七十古来稀。——杜甫《曲江》

62.

雨打梨花深闭门，忘了青春，误了青春。赏心乐事共谁论？花下销魂，月下销魂。愁聚眉峰尽日颦，千点啼痕，万点啼痕。晓看天色暮看云，行也思君，坐也思君。——唐寅《一剪梅·雨打梨花深闭门》

63.春未绿，鬓先丝。人间别久不成悲。——姜夔《鹧鸪天》

64.

吟怀未许老重阳，霜雪无端入鬓长。几度白衣虚令节，致疑黄菊是孤芳。野心一片湖云外，灏气三秋海日旁。山阁若逢阎伯屿，方君诗思敌王郎。——序灯《九日吴山宴集值雨次韵》

65.头上尽教添白发，鬓边不可无黄菊。——宋江《满江红》

66.

休对故人思故国，且将新火试新茶。诗酒趁年华。——苏轼《望江南》

67.

过眼年华，动人幽意，相逢几番春换。——王沂孙《法曲献仙音聚景亭梅次草窗韵》

68.三千丈清愁鬓发，五十年春梦繁华。——乔吉《折桂令》

69.故国神游，多情应笑我，早生华发。——苏轼《念奴娇》

70.草木也知愁，韶华竟白头。——曹雪芹《唐多令·柳絮》

71.白日放歌须纵酒，青春作伴好还乡。——杜甫《闻官军收河南河北》

72.

欲买桂花同载酒，终不似、少年游。——刘过《唐多令·芦叶满汀洲》

73.

青青园中葵，朝露待日晞。阳春布德泽，万物生光辉。常恐秋节至，焜黄华叶衰。百川东到海，何时复西归。少壮不努力，老大徒伤悲。——《长歌行》

74.

春未老，风细柳斜斜。试上超然台上望，半壕春水一城花。烟雨暗千家。寒食后，酒醒却咨嗟。休对故人思故国，且将新火试新茶。诗酒趁年华。——苏轼《望江南·超然台作》

75.少年易学老难成，一寸光阴不可轻。——朱熹《偶成》

76.

肥水东流无尽期。当初不合种相思。梦中未比丹青见，暗里忽惊山鸟啼。春未绿，鬓先丝。人间别久不成悲。谁教岁岁红莲夜，两处沈吟各自知。——姜夔《鹧鸪天·元夕有所梦》

77.

江南几度梅花发，人在天涯鬓已斑。——刘著《鹧鸪天·雪照山城玉指寒》

78.

击石乃有火，不击元无烟。人学始知道，不学非自然。万事须己运，他得非我贤。青春须早为，岂能长少年。——孟郊《劝学》

79.

渠水红繁拥御墙，风娇小叶学娥妆。垂帘几度青春老，堪锁千年白日长。——李贺《三月过行宫》

80.

夜寒茅店不成眠，残月照吟鞭。黄花细雨时候，催上渡头船。鸥似雪，水如天，忆当年。到家应是，童稚牵衣，笑我华颠。——吴激《诉衷情》

· 夜寒茅店不成眠》

81.

谁道人生无再少？门前流水尚能西！休将白发唱黄鸡。——苏轼《浣溪沙·游蕲水清泉寺》

本文链接：<https://duanjuziku.com/duanjuzi/368fhu4y0a.html>